

太康縣志

卷一

息縣 劉盼遂撰

通紀

夏寒泥處其子殪於戈

左遷公四年

夏后杼滅豷于戈

周莊王十四年大水毀禾稼

靈王十七年春大饑

秦始皇二十三年置陽夏縣

漢高祖四年漢王進兵追項羽至陽夏南

史記高帝紀

漢惠帝五年夏大旱

呂后三年大水漂沒民居

文帝三年秋大旱十一年春二月河決十四年夏六月大雨雪

太康縣志

卷一 通紀

景帝三年六月大雨雪

武帝元光四年四月殞霜殺草木元鼎二年三月大雪

東漢明帝永平元年河溢

桓帝建和元年秋七月地震壞民居

隋文帝開皇七年改陽夏為太康十八年河決

煬帝大業十三年李密起兵于匡城

唐太宗貞觀元年省扶樂入太康十四年河溢

高宗永徽三年大饑

玄宗開元年蝗食禾稼十四年大水毀廬舍

宋高宗紹興八年雨雹十年七月楊沂中破金人於太康

元世祖至元二十七年六月河溢沒民田三十一萬九千畝十一月河決

成宗元貞元年蝗大德元年河溢漂沒田廬九年河溢

順帝至正二年築縣城

明太祖洪武三年知縣王辰重建縣署二十年河溢

宣宗宣德元年建文廟

英宗正統十三年河決自杞縣經此

明史地理志

憲宗成化間知縣王珣增築城垣

孝宗弘治七年河決

世宗嘉靖元年知縣侯泰修城

世宗嘉靖五年知縣陸岡重修縣大堂及前庫兩廊二十三年柘城師尙詔反攻太康不克引去

穆宗隆慶元年知縣馮珊奉例丈量官民地並黃河退灘沙薄共八千七百一十六頃十三畝九釐重建城隍廟

神宗萬曆二十一年五月大雨滄麥夏秋霪雨滄禾四十八年蝗天鼓書鳴彗星見

思宗崇禎九年九月丁未隕石

明史五行志

太康縣志

卷一 通紀

二

崇禎四年土寇張鼎謀叛捕殺之七年流賊圍城巡撫元默統兵追勦賊遁去九年知縣李皋改修磚城十二年春大疫秋水滄禾饑民變十三年春大饑人相食十五年河溢三月十七日闖賊李自成圍城十九日城被燬遂陷清世祖順治二年知縣姬令甲重建磚城四年知縣田六善招徠逃戶開墾官民熟地一千一百六頃八十九畝七分十年詔興屯設屯道屯廳發給牛價籽粒銀兩招民開荒十五年六月陰積水秋禾全沒

聖祖康熙元年秋大水九月九日地震六年知縣胡三祝奉旨清丈地畝現在熟地八千七百二十頃九十四畝九分四釐七毫四絲七年霪雨禾稼盡沒九年勸墾地一頃六畝一分六釐二毫六絲知縣蘇汝楫建修關帝廟十年大水滄禾十四年地震傾房舍甚多二十四年大雨傷禾詔免本年在民拖欠錢糧並免來年田租之半頒簡明賦役全書定田賦額數四十三年大有年四十六年秋蟲傷禾四十八年大水災民多流乞四十九年春大疫五十八年雨雹

世宗雍正元年夏雨雹秋河決九年大有年十三年設常平倉

高宗乾隆元年三月大雪春苗再種二年大有年九年改建二賢書院於西門內十一年大雨浸塌民舍淪沒禾稼十二年秋大水蠲免錢糧分數二十二三年夏大雨水秋禾盡淹蠲免錢糧分數不等知縣武昌國奉文賑給二十四年知縣武昌國代民墾種拋荒地小地二百四十九頃二十三畝一分二十年改建二賢書院爲興賢書院二十六年秋七月河決漂沒田廬知縣武昌國奉文蠲賑五十年春大旱麥禾無收知縣陶應遇詳請賑卹五十八年知縣李廷讓改建縣治各庭堂及各班房

仁宗嘉慶元年詔免錢糧三年秋七月黃河溢邑東被水十八年旱秋禾稿者十之八九知縣高崧請本年及歷年積欠錢糧漕項並加價銀兩一體停止並請設粥廠煮賑秋蕎麥又被霜萎晚秋無望更請賑卹黃梁并加賑銀兩二十四年秋七月黃河漫溢壞田廬蠲免錢糧分數不等

宣宗道光元年秋大疫八年重修縣志二十一年河決渦河領洪旋塞二十三

太康縣志

卷一 通紀

年河復決鐵裏河領洪害尤巨

文宗咸豐八年冬皖匪爲害九年捻匪爲害縣令祝塏墮靈光塔添築城上炮樓十一年捻匪爲害

穆宗同治元年捻匪爲害十年重修巽宮

德宗光緒二年旱蝗三年旱大饑十三年河決縣西境被害十七年補修衙署試院二十年三月三日城西北隅人祖廟放煙火擠死數十人二十一年五月雨雹冬麥生蠶虫明春滋甚麥遂不熟二十八年創設縣立小學校三十四年明儒黃宗羲顧炎武王夫之從祀孔廟

宣統元年設巡警局勸學所自治研究所師範傳習所選河南省諮議局議員始行投票法二年創辦乙種蠶業學校三年十月黃道會匪作亂先儒趙岐劉因從祀孔廟改收支所爲公欸局

民國

元年改知縣爲縣知事裁教職典史設管獄員縣議事會縣參事會劃行政區

域爲九改巡警局爲警務所設保衛團

二年驗當買契設教育會厲行剪髮

三年設縣視學

四年創辦甲種蠶業學校置孔廟奉祀官設商會

五年闢苗圃暨農事試驗場設通俗講演所

六年設縣農會重修巒宮

七年設水利分會開始疏浚河渠學款獨立設教育款產經理處

八年顏元李璫從祀孔廟

九年設師範講習所

十年設自治總籌辦處是年冬因霪雨成災各鄉散放食穀

十一年設清鄉所民團購槍二百支改警備隊爲武裝警察隊設縣道局因利

局地方自治講習所

十二年改勸學所爲教育局匪首老洋人被收撫爲河南游擊支隊過境

太康縣志

卷一 通紀

四

十三年冬設續修縣志局

十四年股匪擾縣西境常營一帶受害最烈

十五年夏四月日紅如血六月股匪金貴彬牛繩武等破縣城居民被擄數千

人死亡亦衆縣署卷宗損燬殆盡夏秋大雨股匪擾西境

十六年夏臨時縣黨部成立

十七年春縣政府執行中國國民黨太康縣第一次代表大會議決案成立清

理教育款產委員會暨清理廟產委員會縣政府設政務警察隊併改房歸

科夏旱續修縣志初稿成秋有蝗奉令改建城隍廟爲中山公園開始籌備

縣長阮藩儕率放足辦事處職員分往各鄉厲行檢查放足

十八年一月中山公園落成全縣黨政機關假此開始舉行擴大紀念週

三月縣政府撥出清理差欠丁漕洋六百七十元籌建平民澡塘夏河南省政

府主席韓復榘因赴淮陽勦匪過邑在中山公園召集縣府及各機關人員

訓話縣立職業學校籌備處成立就中山公園西院建築講樓

十九年三月陸軍第十四軍孫殿英部入城兵差支應處成立

五月革命軍圍城七日南退縣境淪入戰區

八月孫殿英部北退監所囚犯均逃財務局焚燬一切賬簿王學聚部入城中
央軍在外包圍飛機擲彈居民驚慌異常是月中央特派部子舉梅達夫收
編該部爲國軍第五軍十七師卽調去

十月中國國民黨河南省黨務指導委員會薛廣漢來太撫慰縣黨務恢復活
動成立縣黨務整理委員會

十一月國軍第五軍部子舉部全體調駐本縣

二十年元月河南省區長訓練所畢業學員李廣澤等九人宣誓就區長職

二月設立清鄉局

三月黨政軍各界在太康陵手植中山紀念林是月縣黨務整理委員會決籌
議設縣立初級中學校縣政府照案施行又縣府遵奉省政府轉奉國民民政
府通令辦理國民代表會議代表初選籌備事宜由縣長監督中國國民黨

太康縣志

卷一 通紀

五

黨員工會農會員教育會員在縣府大禮堂舉行選舉

六月二十三日雨雹秋禾多毀

七月新編第二十師王旅特務營由縣開拔徵洋二萬餘元民十以還此類例

自本月起至八月止霪雨成災陸地水深數尺秋禾淹沒殆盡

十月一日在縣黨部大禮堂選舉教育局長是月中國國民黨太康縣黨部舉
行第三屆代表大會選舉執監委員成立第三屆縣黨部

十一月縣政府調集鄉鎮長訓練同月成立清鄉辦事處再事清鄉

十二月水利工程委員會成立公推周縣長鎮西爲委員長郭芝塘劉鴻謨副
之假郭公祠辦公

二十一年二月省政府令派本縣糧秣四十四萬斤由殷實商民負擔

三月河南省政府主席劉峙赴周家口勘驗沙河橋工過境

四月成立城工委員會以賑麥六十噸施工振修補城隍

五月二日及十七日兩次暴雨均一日夜方霽第六七兩區麥苗被淹成災糧

價飛漲麥每斗漲至制錢二十六千文雜糧漲至二十三千文
六月河南臨時財政委員會令派救國捐洋六萬元由富戶分任
七月成立教導隊實行甲牌長訓練

七月縣政府令調二二三九區教導隊在楊廟鎮集合進剿劉老七股匪因疏於
防範被匪繳槍四十支傷亡團丁五人

八月縣境蝗蝻爲災以五六兩區爲特甚

十一月奉省政府轉豫鄂皖三省勦匪總司令部令裁去建設公安財政三局
歸縣府一二三科辦理各局事項是月實行歸併

十二月奉省政府轉豫鄂皖三省勦匪總司令部令各鄉鎮自治暫停從事專
辦保甲縣府改委鄉鎮長爲編查保甲委員於鄉鎮長外又選委編查委員
十一人分任督促各區編查事宜同月縣政府召集編查委員區長區員開
編查保甲講習會

二十二年一月奉財政廳轉豫鄂皖三省勦匪總司令部令設財務委員會經

太康縣志

卷一 通紀

六

管地方公款收支事項是月該會宣告成立

二月本縣編查事竣共編九百四十八保同月奉令成立禁煙委員會實行禁
煙

三月股匪張瑞五杆數千人由道陵崗竄往西北放火擄掠其勢兇惡常營失
陷損失頗鉅同月縣政府令九區設天足分會即月各分會宣告成立